

Ўзбекистон Президенти Корея Республикаси парламенти Спикери билан учрашди



Ўзбекистон Республикаси Президенти Шавкат Мирзиёев 17 декабрь куни Сеул шаҳрида Корея Республикаси Миллий Ассамблеяси Спикери Пак Бён Сок билан учрашув ўтказди.

Суҳбатда Ўзбекистон Республикаси ва Корея Республикаси ўртасидаги алоҳида стратегик шериклик муносабатлари ҳар томонлама ривожланиб бораётгани, Президентимизнинг ушбу давлат ташрифи уларга янги кучли суръат бағишилагани мамнуният билан таъкидланди. Турли даражаларда, шу жумладан парламентлараро ҳамкорлик йўналишида самарали сиёсий мулоқот ва алоқалар фаол давом эттирилмоқда.

Ўзбекистон-Корея муносабатларини мустаҳкамлашда парламентлараро “дўстлик гурухлари” мухим ўрин тутади. Жорий йил июнь ойида уларнинг онлайн учрашуви бўлиб ўтди. Давлат бошқарувини ислоҳ қилиш, фуқаролик жамияти, гендер масалалари, таълим ва худудларни ривожлантиришга доир қонун ижодкорлиги масалаларида тажриба алмашилмоқда.

Учрашувда икки томонлама ҳамкорликни янада фаоллаштириш юзасидан батафсил фикр алмашилди.

Миллий Ассамблея Спикери Корея тажриба алмасишини кенгайтиришга, жумладан, Ўзбекистонда электрон парламент механизmlарини жорий қилишга кўмаклашишга тайёр эканини билдириди.

Корея парламенти вакиллари келгуси йилда Тошкент шаҳрида ўтказиладиган Жаҳон мамлакатлари парламентларининг аёл спикерлари саммитида иштирок этишини тасдиқлади.

Шунингдек, қўшма дастур ва лойиҳаларни илгари суришнинг янги институционал механизmlарини жорий қилиш ташабbusи қўллаб-қувватланди.


Томонлар “Корея Республикаси – Марказий Осиё” ҳамкорлик форуми доирасидаги яқин муроқотни давом эттиришдан манфаатдор эканликларини тасдиқладилар.

Пак Бён Сок 2022 йилда тарихий саналар – дипломатик муносабатлар ўрнатилганининг 30 йиллиги ва корейс диаспораси Ўзбекистонда истиқомат қилишининг 85 йиллигини кенг нишонлаш бўйича тадбирлар халқларимиз ўртасидаги дўстлик ва ўзаро англашувни янада мустаҳкамлашга хизмат қилишини таъкидлади.

Олий даражада эришилган келишувлар ижроси устидан самарали парламент назоратини таъминлаш муҳим экани қайд этилди. Икки мамлакат парламентлари вакиллари бу борада бор куч ва имкониятларини ишга солишларини таъкидладилар.



Oshimlik.com
MATBUOT NIZMATI





Манба